

正誼堂全書

仁13
743
127



門仁13
號 743
卷 127

濂洛風雅卷之五

儀封張伯行孝先甫訂

溧陽魏麇徵劍峯校

朱晦庵

琴操

招隱操

南山之幽桂樹之稠枝相樛高拂千崖素秋下臨深谷之
寒流王孫何處攀援久淹畱聞說山中虎豹晝嗥聞說
山中熊羆夜咆叢薄深林鹿呦呦獼猴與君居山鬼伴君
游君獨胡為自聊歲云莫矣將焉求思君不見我心徒離

憂 右招隱

濂洛風雅

卷之五

朱晦庵

一

莊子

明治三七年
一月二十日
購

南山之中桂樹秋風雲冥濛下有寒樓老翁木食澗飲迷
 春冬此間此樂優游渺何窮 我愛陽林春葩晝紅我愛
 陰崖寒泉夜淙竹柏含煙悄青葱徐行發清商安坐撫枯
 桐不問簞瓢屢空但抱明月甘長終人間雖樂此心與誰
 同 右反招隱

五言古詩

齋居感興十一首

崑崙大無外有薄下深廣陰陽無停機寒暑互來往皇犧
 古神聖妙契一俯仰不待窺馬圖人文已宣朗渾然一理
 貫昭晰非象罔珍重無極翁為我重指掌

人心妙不測出入乘氣機凝冰亦焦火淵淪復天飛至人
 秉元化動靜體無違珠藏澤自媚玉韞山含輝神光燭九
 垓玄思徹萬微塵編今寥落歎息將安歸
 靜觀靈臺妙萬化此從出云胡自蕪穢反受眾形役厚味
 紛朵頤妍姿坐傾國崩奔不自悟馳騫靡終畢君看穆天
 子萬里窮轍迹不有祈招詩徐方御宸極
 放勳始欽明南面亦恭己大哉精一傳萬世立人紀猗歟
 歎日躋穆穆歌敬止戒熒光武烈待旦起周禮恭惟千載
 心秋月照寒水魯叟何常師刪述存聖軌
 大易圖象隱詩書簡編訛禮樂矧交喪春秋魚魯多瑤琴

宜寶盒絃絕將如何興言理餘韻龍門有遺歌

顏生躬四勿曾子曰三省中庸首謹獨衣錦思尚綱偉哉
鄒孟氏雄辯極馳騁操存一言要爲爾挈裘領丹青著明
法今古垂煥炳何事千載餘無人踐斯境

元亨播羣品利貞固靈根非誠諒無有五性實斯存世人
逞私見鑿智道彌昏豈若林居子幽探萬化原
飄飄學仙侶遺世在雲山盜啓元命祕竊當生死關金鼎
蟠龍虎三年養神丹刀圭一入口白日生羽翰我欲往從
之脫屣諒非難但恐逆天道偷生詎能安

西方論緣業卑卑論羣愚流傳世代文梯接凌空虛顧盼
指心性名言超有無捷徑一以開靡然世爭趨號空不踐
實蹟彼榛棘途誰哉繼三聖爲我焚其書

聖人司教化鬻序育羣材因心有明訓善端得深培天敘
既昭陳人文亦塞開云何百代下學絕教養乖羣居競葩
藻爭先冠倫魁涓風及淪喪擾擾胡爲哉

童蒙貴養正孫弟乃其方雞鳴咸盥櫛問訊謹暄涼奉水
勤播灑擁篲周室堂進趨極虔恭退息常端莊劬書劇嗜
炙見惡逾探湯庸言戒麤誕時行必安詳聖途雖云遠發
軻且勿忙十五志於學及時起高翔

題謝少卿藥園

源洛風別 卷之五 三 正誼堂
謝公種藥地窈窕青山阿青山固不羣花藥亦婆娑一掇
召冲氣三掇散沈疴先生澹無事端居味天和老木百年
姿對立方嵯峩持此供日夕不樂復如何

邵武道中

風色戒寒候歲事已透遲勞生尙行役游子能不悲林壑
無餘秀野草不復滋禾黍經秋成收斂已空畦田翁喜歲
豐婦子亦嘻嘻而我獨何成悠悠長路歧凌霧卽曉裝落
日命晚炊不惜容鬢凋鎮日長空饑征鴻在雲天浮萍在
青池繳蹤正如此三歎復何爲

友人黃子衡欲之上庠以詩畱行

若士有奇操久厭山林卑奮衣千里道已與親友辭子行
何悠悠世路方如茲歸來亦何日車馬光陸離幽蘭生前
林擢置白玉墀不以芳意遠結根終不移願子崇明德潛
躍貴因時悲風靜夜聽喬木歲寒姿何以迴軒駕千載相
與期

晨起對雨 二首

淒冽歲云晏雨雪集晨朝高眠適方起四望但蕭條遠氣
白漫漫風至林靄消流潦冒荒塗清川亦迢迢遐瞻思莫
窮端居心自超覽物思無託卽事且逍遙

晨起候前障白煙渺林端雨意方未已后土何時乾倚竹

聽蕭瑟俯澗聞驚湍景物豈不佳所嗟歲已闌守道無物
役安時且盤桓翳然陶茲理貧悴非所歎

客舍聽雨

沈沈蒼山郭暮景含餘清春靄起林際滿空寒雨生投裝
卽虛館檐響通夕鳴遙想山齋夜蕭蕭木葉聲

雨中示魏惇夫兼懷黃子厚

二首

讀書春日晏雨至滿郊園一灑幽叢竹藹藹清陰繁齋居
無還往鎮日空掩門將欲冲靜趣與子俱忘言

暄風變春餘卉木日葱蒨林間一雨來滿庭寒草遍寂寞
謝朋儔晤語懷雋彥良無一水遙阻闊何由見

杜門

杜門守貞操養素安冲漠寂寂闕林園心空境無作細雨
被新筠微風動幽籟聊成五字句吟罷山花落浩然與誰
期放情遣所託

十月朔旦懷先隴作

十月氣候變獨懷霜露悽僧廬寄楸櫨饋奠失茲時竹柏
翳陰岡華林敞神扉灑掃託羣隸瞻護煩名緇封塋諒久
安千里一歔歔持身慕前烈銜訓儻在斯

安溪道中泉石奇甚絕類建劍閒山水佳處

驅車陟連岡振轡出林莽霧露曉方除日照川如掌行行

遵曲岸水石窮幽賞地偏寒篠多澗激淙流響祇役未忘
倦心神暫蕭爽感茲懷故山何日稅征鞅

登羅漢峯

休暇曹事簡登高恣窺臨徜徉偶此地曠望披塵襟落日
瞰遠郊暮色生寒陰歡娛未云已更欲窮幽尋行披茂樹
盡豁見滄溟深恨無雙飛翼往詣蓬山岑

試院卽事

端居惜春晚庭樹綠已深重門掩晝靜高館正陰沈披衣
步前除悟物懷貞心澹泊方自適好鳥鳴高林

山居卽事用疊翠亭韻

世情日已疏庭樹日以密我心自悠悠兩忘喧與寂門開
山疊翠雨罷雲絕迹天涯此興同萬里寄消息

柬舍姪

回頭別子時歲月劇風雨老大無所成慙歎中夜舞長鏡
足呻吟短褐極藍縷古人不可期炯炯心獨苦

夏日齋居得潮州詩卷詠歎之餘用卒章之韻以

紀其事

孟夏氣淑清窗戶有佳色臥聞幽籟翻轉覺林景寂參差
帙委素縹緲香橫碧啜菽有餘歡纓冠非所職故人海邊
郡妙語寄遠翼詠歎不得聞超然見曾臆

秀野以喜無多屋宇幸不礙雲山爲韻賦詩熹伏
讀佳作率爾攀和韻劇思攄無復律呂笑覽之
餘賜以斤斧幸甚

高人山水心結習自無始五畝江上園清陰徧桃李一堂
聊自娛三徑亦可喜試問避俗翁何如尊賢里
門前車馬客無非朝大夫問公獨何事中歲遽此圖長安
二三公髮白形枯癯隱憂念名節亦有此樂無
君侯嗜圖史插架何其多徒車三十乘流汗幾橐駝千載
誰晤語端居自絃歌至哉天下樂歲月如子何

西山一何高雲氣出寒麓中有無事人鳴泉遶茅屋宴坐
今幾何無以婚幽獨興至偶成篇呼兒爲余讀

我居深山中茅舍破不補上見風攪林下有雲承宇聞公
落新宮戶牖不可數嬾惰心力衰念公亦良苦

夜吟招隱詩月落寒泉井自非千載人誰與其清景散髮
心朗寥凝神味淵永功名恐相期富貴非所幸

仙人空山居道意妙羣物度世君則然脩身吾豈不飛行
仰雲路趺坐探理窟獨夜扣星壇清齋具簪笏

青山背夕陽茲景公所愛虛堂日落時遷坐一解帶嵐分
疑有處鳥度知無礙須臾暮色來默默無與會

端居屏塵慮萬事付一尊客來語世故舉白當浮君超搖

謝眾甫嚶沓從諸孫何以自怡悅窗中見秋雲

清溪何迢迢上有千仞山中學仙侶白石爲門關丹經
苦吟哦至道窮躋攀豈知人間世風塵縈九寰

卜居

卜居屏山下俯仰三十秋終然村墟近未愜心期幽近聞
西山西深谷開平疇茅茨十數家清川可行舟風俗頗淳
樸曠土非難求逝捐三徑資往遂一壑謀伐木南山巔結
廬北山頭耕田東溪岸濯足西溪流朋來卽其歡客去成
孤游靜有山水樂而無身世憂著書俟來哲補過希前修
茲焉畢暮景何必營菟裘

題沈公雅卜居圖

往者仲長子高情世無儔一朝謝塵躅卜築娛清幽茆屋
八九閒下有良田疇後檐果垂實前庭樹相樛勝日賓友
來琴觴共舒憂言論覈幽妙理亂窮端由至今一卷書凜
然昭千秋沈侯經濟業夙尙本林丘談笑出幻境寤言躡
期游仰睇白石岡俯濯清瑤流曠然宇宙外邈矣將焉求
大雪馬上次敬夫韻

仲人喬嶽頂散髮吹參差喚我二三友集此西南垂列筵
命洛公侑坐迎江妃導之千羽旄投以萬壁璣繽紛一何
麗掩靄難具知眾真不來翔恍覺叢霄低茫茫雲霧合一

一瓊瑤姿回首謝世人千載空相思吾衰怯雄觀未敢探
此奇短衣乘匹馬幸甚得所隨天寒飲我酒酒罷廢君詩
人生易南北復此知何時

自上封登祝融峯絕頂次敬夫韻

衡嶽千仞起祝融一峯高羣山畏突兀犇起如曹逃我來
雪月中歷覽快所遭捫天滑青壁俯壑崩銀濤所恨無十
犛一掣了六鼇旋歸青蓮宮坐對白玉毫重閣一徙倚霜
風利如刀平生山水心眞作貨食饜明朝更清徹再往豈
憚勞中宵撫世故劇如一蝟毛嬉游一何益歲月今滔滔
起望東北雲茫然首空搔

奉酬敬夫贈言并以爲別

昔我抱冰炭從君識乾坤始知太極蘊要眇難名論謂有
寧有迹謂無復何存惟應酬酢處特達見本根萬化自此
流千聖同茲源曠然遠莫禦惕若初不煩云何學力微未
勝物欲昏涓涓始欲達已被黃流吞豈知一寸膠救此千
丈渾勉哉其無斃此語期相敦

游密庵分韻賦詩得還字

我行得佳友勝日尋名山春山旣妍秀清溪亦潺湲行行
造禪扉小憩腰腳頑窮探意未已理策重躋攀入谷翳蒙
密俯澗隨泓灣誰將百尺綯挂此長林間雄聲殷地厚洪

源瀉天慳偉哉奇特觀償此一日閒所恨境過清稍愴暮
當還顧步三歎息人生何苦艱

寄題九日山廓然亭

昨游九日山散髮巖上石仰看天宇近俯歎塵境窄歸來
今幾時夢想挂蒼壁聞公結茅地恍復記疇昔年隨流水
逝事與浮雲失了知廓然處初不從外得遙憐植杖翁鶴
骨雙眼碧永獻月明中秋風桂花白

同上子服游蘆峯以嶺上多白雲分韻賦詩得白

字

登巖出囂塵入谷嬉泉石悠然愜幽趣不覺幾朝夕高尋

倦絕頂舊賞歎陳迹仰慙仙人杖俯媿謝公屐昨日吾弟
來勇往意無斃今晨蓐食罷千仞一咫尺心期未究竟眼
界已開闢浮野眾麓青縈雲兩川白須笑互吞吐變化已
今昔曠若塵慮空悲哉人境窄平生有孤念萬里思矯翮
感此復冲然胡爲尙形役

尋白鹿洞故址愛其幽邃議復興建感歎有作

清冷寒澗水窈窕青山阿昔賢有幽賞眷言此婆娑事往
今幾時高軒絕來過學館空廢址鳴絃息遺歌我來勸相
餘杖策攀綠蘿謀野欣有獲披圖知匪訛永懷當年盛華
萃矜佩多博約感明恩涵濡熙泰和淒涼忽荒榛俯仰驚

頽波發教遠網紀喟然心靡他伐木循陰岡結屋依陽坡
一朝謝塵濁歸哉碩人邁

祕閣張丈簡寂之篇韻高難繼別賦五字以謝來

賦

勞農會稽宅息駕丹元鄉丹元不可見翠碧空雲房是時
中春月暄風發新陽白水注幽壑綠樹敷崇岡俯聽足怡
悅仰觀其徜徉班坐得瑤草傾壺出瓊漿長吟游仙詩亂
以招隱章忽忽林景西躊躇申慨慷坐上江海客兀傲鬚
蒼蒼逸氣邁霄漢英詞吐琳琅思與泉石勝韻隨笙鶴翔
追游不可及詠歎可能忘

俗傳歸宗是王右軍故宅陸脩靜封丹元真人

奉同尤延之提舉廬山雜詠

白鹿洞書院

在郡城東北十五里

昔人讀書地町疇白鹿場世道有升降茲焉更表章矧今
中興年治具一以張絃歌獨不闕山谷無輝光荒榛適翦
除聖謨已汪洋亦有皇華使肯來登此堂問俗良懇惻懷
賢增慨慷雅歌有餘韻絕學何能忘

折桂院黃雲觀

在書院東北五里院後作亭取李白黃雲萬里動風色句名之

城中東北望五老何蒼蒼下有前朝寺一原頗深藏門前
林澗幽屋後雲木荒閒窗亦明潔著此瑞錦張

僧房有更

能理枯筇步上林北岡仰視天宇闊俯瞰江流長

即黃雲觀受

書彼何人姓字不足詳竹帛有遺臭桂樹徒芬芳李逢吉嘗讀書此院去而登第以故得名

棲賢院三峽橋在楞伽西五里

兩岸蒼壁對直下成斗絕一水從中來湧湍知幾折石梁
據其會迎望遠明滅倏至走長蛟捷來翻素雪聲雄萬霹
靂勢倒千巒岬足掉不自持魂驚詎堪說老仙有妙句千
占擅奇崛尚想化鶴來乘流弄明月

臥龍庵武侯祠在西湖西三里

空山龍臥處蒼峭神所鑿下有寒潭幽上有明河落我來
愛佳名小築寄幽壑永念千載人丹心豈今昨英姿儼繪

事懍若九原作寒藻薦芳馨飛泉奉明酌公來識此意願
步慘不樂抱膝一長吟神交付冥漠

簡寂觀在開先西五里陸脩靜所居

高士昔遺世築室蒼崖陰朝真石壇峻煉藥古井深結交
五柳翁屢賞無絃琴相攜白蓮渚一笑傾夙心晚歲更市
朝故山鎖雲岑柴車竟不返鸞鶴空遺音脩靜晚為宋明帝召至建康卒
於崇虛館我來千載餘舊事不可尋四顧但絕壁苦竹寒蕭參
相傳竹是脩靜手植其萌卽所謂甜苦筍

陶公醉石歸去來館在歸宗西五里

予生千載後尚友千載前每尋高士傳獨歎淵明賢及此

逢醉石謂言公所眠況復巖壑古縹緲藏風煙仰看喬木
陰俯聽橫飛泉景物自新絕優游可忘年結廬倚蒼峭舉
觴酌潺湲臨風一長嘯亂以歸來篇

讀子厚步月詩時方聞呂伯恭訃後數日賦此

晚步曲池上西風吹我裳仰觀天宇闊愛此明月光念我
素心友眇焉天一方沒者永乖隔存者爲參商飄零百歲
期寂寞幽鬢霜還坐三太息高林鬱蒼蒼

次子厚秋懷韻

秋風何方來爲我滌殘暑庭梧亦何與索索秋夜雨冥思
感物變念此離索苦浩蕩信莫量幽紛那得覩丁年舍我

去憔悴故其所廓落濟時心頽然復安取永懷平生友夢
想見蒼宇今晨枉秀句爛若朝霞舉去去同采芝高軒坐
凝佇

讀子厚詩卷用其卒章晨起之韻作詩寄之

晝永倦殘暑宵分喜新涼天雞一振翼爛爛曉月光病榻
感紆徐中庭起翱翔懷哉穀城子物外久不忙掩抑琴調
希激烈歌聲長契闊恨清賞佳期末渠央緘詞託歸鳥側
佇何能忘

酬黃子厚見訪歸途惠詩韻

櫪驥倦千里籠鶴思九皋念昔田舍日不如山林高一朝

逢世紛故丘得潛逃平生棲遯志茲焉始堅牢故人穀城翁高情北窗陶亦復喜我歸巾車款林窠申旦更離闕中情重切切

秋暑

晨興納新涼停午倦猶暑臥對北窗扉澹泊將誰侶疏樹含輕颺時禽轉幽語端居悟物情即事聊容與

行視武夷精舍作

神山九折溪沿泝此中半水深波浪闊浮綠春渙渙武夷九曲多急流亂石此第五曲上有蒼石屏百仞聳雄觀巖巖露垠堦突兀倚霄漢此峯夷上削下拔地峭立如方屋峭按舊圖名大隱屏淺麓

下縈迴深林久叢灌胡然闕千載逮此開一旦

峯下小山重復中有

平地數十丈喬木長藤茂林脩竹交相蔽隱舊無人迹乾道已丑子舟過而樂之及今始能卜築以疇曩志

乘新村船輟棹青草岸榛莽喜誅鉏面勢窮考按居然一環堵妙處豈輪奐左右轟奇峯躊躇極佳玩

方經始時予以病不能來

至是送別山西始自新村買舟以來視所縛屋三開制度殊草草然肯負大隱屏面直溪南大山左有魏王上昇峯

右有鍾模三教等石極為雄勝是時芳節闌紅綠紛有爛好鳥時一鳴王

孫遠相喚山多獼猴暫游意已愜獨往身猶絆珍重舍瑟人重

七言古詩

來足幽伴已約初夏與同志皆往游集

和李伯玉用東坡韻賦梅花

北風日日霾江村歸夢正爾勞營魂忽聞梅蕊臘前破楚
客不愛蘭佩昏尋幽舊識此堂古曳杖偶集僧家園嵐陰
春物未全到邂逅只有南枝溫冷光自照眼色界雲豔未
怯扶桑暎遙知雲臺溪上路玉樹十里藏山門自憐塵羈
不得去坐想佳處知難言但哦君詩慰岑寂已似其倒花
前樽

與諸同人用東坡韻其賦梅花適得元履書有懷
其人因復賦此以寄意

羅浮山下黃茅村蘇仙仙去餘詩魂梅花自入三疊曲至
今不受蠻煙昏佳名一旦昇凡木絕豔千古高名園卻憐

冰質不自暖雖有步障難爲溫羞同桃李媚春色敢與葵
藿爭朝暎歸來只有脩竹伴寂歷自掩疏籬門亦知真意
還有在未覺浩氣終難言一杯勸汝吾不淺要汝共係山
林樽

壽母生朝

秋風蕭爽天氣涼此日何日升斯堂堂中老人壽而康紅
顏綠鬢雙瞳方家貧兒癡但深藏五年不出門庭荒竈陘
十日九不煬豈辦甘脆陳壺傷低頭包羞汗如漿老人此
心久已忘一笑謂汝庸何傷人間榮耀豈可常惟有道義
思無疆勉勵汝節彌堅剛熹前再拜謝阿娘自古作善天

降祥但願年年似今日老萊母子俱徜徉

丁丑冬在溫陵陪敦宗李丈與一二道人同和東

坡惠州梅花詩皆一再往反昨日見梅追省前

事忽忽五年舊詩不復可記憶再和一篇呈諸

友兄一笑同賦

江梅欲破江南村無人解與招芳魂朔雲爲斷蜂蝶信凍
雨一洗煙塵昏天憐絕豔世無匹故遣寂寞依山園自欣
羌笛娛夜永未要鄒律回春溫連娟窺水墮殘月的磔泣
露晞晨暎海山清游記玉面衰病此日空柴門相逢不敢
話疇昔能賦豈必皆成言雕鐫肝腎竟何益况復制酒哦

空樽

題祝生畫

裴侯愛畫老成癖歲晚倦游家四壁隨身只有萬疊山祕
不示人私自惜俗人教看亦不識我獨摩挲三太息問君
何處得此奇和璧隋珠未爲敵答云衢州老祝翁曾次自
有陰陽功峙山融川取世界咳雲唾雨呼雷風昨來邂逅
衢城東定交斗酒歡無窮自言妙處客我識爲我掃此須
臾中爾時聞名今識面回首十年齊掣電裴侯已死我亦
衰祇君雖老身猶健眼明骨輕鬚不變筆下江山轉葱蒨
爲君多織機中練更約無事重相見

敬別機仲用韻

君家道素幾葉傳只今用舍縣諸天屹然砥柱戰河曲肯
 似落葉隨風旋奮髯忽作蝟毛磔浩氣勃若霄中煙隱憂
 尚喜遺直在壯烈未許前人專武夷連日聽奇語令我兩
 腋風冷然初如茫茫出太極稍似冉冉隨羣仙安能局促
 夜起舞下與祖逖爭雄鞭終憐賢屈惜往日亦念聖孔悲
 徂川願君盡此一杯酒預澆舌本如縣泉沃心澤物吾有
 望勒移忍繼鍾山篇

讀通鑑紀事本末用武彞倡和元韻寄機仲

先生諫疏莫與傳忠憤激烈號旻天卻憐廣文官舍冷只

與文字相周旋上書乞得聊自屏清坐日對銅鑪煙功名

馳騫遠莫悔鉛槧職業今當專要將報答陛下聖矯首北

闕還潛然屬詞比事有深意憑愚護短驚羣仙誰言未秉

太史筆自幸已執畱臺鞭溫公以畱臺領書局時韓魏公與書有執鞭之語果然

救遣六丁取香羅漆盒浮桐川陰凝有戒竦皇鑒恭聞上讀此書

有履霜堅頃在武夷宮陽剝欲盡生玄泉明年定對白虎殿更誦大學

中庸篇頃在武夷宮講正心誠意

伏蒙祕閣張丈寵顧下邑并以長篇為貺降歎之

餘牽勉繼韻仰求斤削僭率皇恐

向來滅迹東山東閉門不問烏雌雄門前有路向塵土兩

足未舉心先慵當時亦有車馬客此意欲說嗟誰同窮居
聊復追仲蔚篤論何必須劉龔平生故人子張子相思安
得長相從每勞書疏問生死坐想星宿羅心曾幾年持節
漢水上木牛流馬旌旗紅君王輟饋思頗牧外庸且訖來
朝宗因能過我紫霄下後乘載得朱簾櫳蒼顏白髮應笑
我曷不飽臥陶窗風開樽鷺池水清激下馬醮石煙空濛
須臾路轉山更好磨天巨刃排雙峯少看銀河忽倒挂直
欲跳下清冷中南臨匯澤其指點縹緲貝闕浮珠宮公言
平日愛登覽到此一洗羣山空坐閒爲我出奇句不用遠
寄南飛鴻上言雲泉足奇賞下歎契闊歡相逢紛吾失腳
墮世網乃有此會寧天窮流光過眼驚昨夢舊約回首羞
塵容明朝卻上煙艇去滅沒萬頃追鳧翁

五言律詩

知郡傅丈載酒幙被過熹於九日山夜泛小舟弄

月劇飲二首

扁舟轉空闊煙水浩將平月色中流滿秋聲兩岸生杯深
同醉極嘯罷獨魂驚歸去空山黑西南河漢傾
誰知方外客亦愛酒中仙共踏空林月來尋野渡船醉醒
非各趣心迹兩忘緣江海情何恨秋生蓬鬢邊

同僚小集梵天寺坐閒雨作已復開霽步至東橋

玩月賦

空山看雨罷微步喜新涼月出激餘景川明發素光星河
方耿耿雲樹轉蒼蒼晤語逢清夜茲懷殊未央

奉陪判院丈充父平父兄宿回向用知郡丈壁間
舊題韻

暮雨停驂處僧廬古道邊千峯環傑閣一水下平田行役
無期度經過幾歲年明朝須飽飯躡足上寒煙

蒙判院丈示及再用元韻率易和呈以求指謫

疇昔經行地溪山寂寞邊冰霜凝巨壑風雨暗中田古寺
堪投晚塵龕閱紀年論文寒夜永清絕裊鑪煙

喜晴

衝飈動高柳淥水澹微波日照秋空淨雨餘寒草多放懷
遺簿領發興託煙蘿忽念故園日東阡時一過

蒙判院丈垂示用韻喜晴之句率爾奉酬

客枕終難穩歸來鼯息深曉雞回遠夢缺月挂空林冰谷
晨加帽晴窗晝解襟詩筒多妙語仍喜舊盟尋

登梅嶺

去路霜威勁歸程雪意深往還無幾日景物變千林曉磴
初移屐寒雲欲滿襟玉梅疏半落猶足慰幽尋

輓籍溪胡先生

先友多淪謝惟公尙典型向來深繾綣猶足慰飄零喬木
摧霜榦長空沒曉星傷心遽如許孤露轉鈴潺

次知府府判二丈韻

首三

兩公清廟瑟窈窕拂朱絲事紀一朝勝名從千古垂流傳
當其賦惆悵不同時且要君頤解寧辭匡說詩
憶昨中秋夕寒盟約重尋幔亭歡舉酒江閣快論心月墮
俱忘起壘空始罷斟祇今千嶺隔悵望一何深
志士懷韜略奇兵吼鏖干關河那得往肝膽不勝寒壯節
悲如許雄圖渺未闌皇輿方仄席陋巷敢求安

輓延平李先生

首三

河洛傳心後毫釐復易差淫詞方眩俗夫子獨名家本本
初無二存存自不邪誰知經濟業零落舊煙霞
聞道無餘事窮居不計年簞瓢渾漫與風月自悠然灑落
灑溪句從容洛社篇平生行樂地今日但新阡
歧路方南北師門數仞高一言資善誘十載笑徒勞斬板
今來此懷經痛所遭有疑無與析揮淚首頻搔

次秀野暑中

首二

劇暑悲難度清秋喜卻回病隨庚伏盡尊向晚涼開臨水
看雲去鈎簾待月來勝游驚昨夢曾上鬱蕭臺
絕境人難到惟堪樂此身泉吟青玉峽風度白綸巾獨往

寧無意長閒未有因雲山天賜履吾道豈全貧

短句奉迎荆南幕府

雄藩荆楚地自古國西門客有籌邊略人知幕府尊時平
烽燧冷事省笑談溫宛洛何年向奇功要一論

卽事有懷寄彥輔仲宗二兄

一水方涵碧千林已變紅農收爭煖日老病怯高風徒倚
非無計心期莫與同向來歡會處離合太恩恩

閒坐

坐歎無餘事淡然塵慮希閒中自怡悅妙處絕幾微韓子
成今古顛師果是非悠然發孤些千載儻同歸

哭羅宗約

二首

江閣論心地重來感慨多故人今已矣此道竟如何但使
窮新得終當訂舊訛話言雖永隔吾欲問滄波

行義追前輩孤風凜一生子平婚嫁了元亮去畱輕涪萬
無歸權巖楊有舊盟空令同社客生死痛交情

登定王臺

寂寞番君後光華帝子來千年餘故國萬事只空臺日月
東西見湖山表裏開從知爽鳩樂莫作雍門哀

次敬夫登定王臺韻

今朝風日好抱病起登臺山色愁無盡江波去不回客懷

元老草節物又疏梅且莫催歸騎憑欄更一杯
敬夫用熹定王臺韻賦詩因復次韻

新詩通造化催出火輪來雲物低南極江山接漢臺心期
千古迴懷抱一生開回首狂馳子紛紛正可哀

後洞山口晚賦

日落千林外煙飛紫翠深寒泉添壑底積雪尙崖陰景要
吾人共詩畱永夜吟從教廣長舌莫盡此時心
自方廣過高臺次敬夫韻
素雪畱清壁蒼霞對赤城我來陰壑晚人說夜鐙明貝葉
無新得蒲人有舊盟咄哉寧負汝安敢負吾生

至上封用擇之韻

疇昔朱陵洞如今白帝城天高雲共色夜永月同明萬里
爭回巧千峯盡乞盟登臨須我輩更約羨門生

登祝融峯用擇之韻

今年緣底事浪走太無端直以心期遠非貪眼界寬雲山
於此盡風袂不勝寒孤鳥知人意茫茫去不還

贈上封諸老

夜宿上封寺翛然塵慮清月明殘雪裏泉溜隔窗聲楮衲
今如許綈袍那復情鑪紅虛室煖聊得話平生

十五日再登祝融用臺字韻

江流圍玉帶天影抱瓊臺拄杖煙霄外中巖日月回箕山
藏遜許吳市隱仙梅一笑今何在相期再舉杯

胡丈廣仲與范伯崇自嶽市來同登絕頂舉酒極

談得聞比日講論之樂

我已中峯住君從何處來莫畱巖底寺徑上月邊臺濁酒
團圓坐高談次第開前賢渺安在清酌寄餘哀

十六日下山各賦一篇仍迭和韻

絕頂來還晚寒窗睡達明連牀眇歸思三宿悵餘情雲合
山無路風回雪有聲嶽祇珍重意只此是將迎

和擇之韻

仰止平生舊今年得得來舉頭天一握倚杖雪千堆講道
心如渴哦詩思湧雷出山遺語在歸騎莫徘徊

十一月二十六日宿萍鄉西三十餘里黃花渡口

客舍稍明潔有宋亨伯題詩亦頗不俗因錄而

和之

鼎足鑪邊坐陶然其一樽道心元自勝世味不須論安穩
三更睡清明一氣存雖無康樂句聊爾慰營魂

清江道中見梅

今日清江路寒梅第一枝不愁風嫋嫋正奈雪垂垂煖熱
惟須酒平章卻要詩他年千里夢誰與寄相思

過豐城縣

渺渺豐城縣回頭憶舊游晴江羅遠樹宿莽亂中洲寶劍
今鱗甲神光尚斗牛他年還記得此夜一扁舟

舟中見新月伯崇擇之二友皆已醉臥以此戲之
舟中見新月煙浪不勝寒與問醉眠客豈知行路難殘陽
猶水面孤雁更雲端蓬底今宵意天邊芳歲闌

觀西山懷嶽麓以爲莫能相上下也聊賦此云

風月平生意江湖自在身年華俱轉徙眼界得清新試問
西山雨何如湘水春悠然一長嘯妙絕兩無倫

進賢道中

往辭湘水曲今過豫章城改歲無多日到家才幾程畫嶼
春意迫夜喜月華清此去無淹軌前途似掌平

安仁曉行

夙駕安仁道行行得自娛荒山圍野闊遠樹出林孤景晦
長煙合天寒碧草枯歸心懷往路極目向平蕪

十七日早霜晴日出霧中喜而成詩

斜月夜窗白肅霜朝氣清長塗披素錦寒霧湧金鉦已作
三冬雨何妨十日晴天工且相念莫遣暮雲生

再用前韻

久陰冬竟煖欲霽氣先清田舍占煙火軍家候鼓鉦風霜

千里肅天地一朝晴明日知何日陽春又發生

次韻擇之章巖

驅馬倦長道投鞭憩此巖來應六鼇戴迹是五丁劓泉脈
流清潤林梢擁碧巉老禪深閉戶客子且征衫

有懷南軒老兄呈伯崇擇之二友二首

憶昔秋風裏尋盟湘水傍勝游朝挽袂妙語夜連牀別去
多遺恨歸來識大方惟應微密處猶欲細商量

積雨芳菲暗新晴始豁然園林媚幽獨窗戶愜清妍晤語

心何遠

謂日與擇之講論

書題意未宣

謂數收伯崇近書

縣知今夜月同

夢舞雲邊

擇之誦所賦擬呂子進元宵詩因用元韻二首

何處元宵好山房入定僧往來衣上月明暗佛前鐙實際

徒勞說空華詎可憑還教知此意妙用一時興

何處元宵好寒龕獨寐人月窗同皎皎鐙鏡自塵塵靜鑒

通天地潛思妙鬼神卻憐迷路子狂走鬧城闈

次韻擇之梧竹二首并呈季通

竹塢深深處檀欒繞舍青暑風成慘淡寒月助清冷客去

空塵榻詩來拓采樵此君同一笑午夢頓能醒

永日長梧下清陰小院幽自憐風嫋嫋客賦雨瀏瀏作別

今千里相思欲九秋更憐同社友復此誤淹留

擇之寄示深卿倡和烏石南湖佳句輒次原韻

未識南湖景遙欣二子游賞心并勝日妙語迫清秋賸欲
攜書卷相將買釣舟微吟歸去晚杜若滿汀洲
平湖渺空闊積水暮生寒但見綠千頃不知深幾竿人間
元迫隘世路足艱難若了滄洲趣無勞正眼看

小詩奉送擇之仁友赴漕臺之招後篇喜趙君之
得士而不敢致私怨焉然別懷黯黯不能成章

亦足以見區區也

二首

之子論交久深哀兩自知提攜方有賴離索遽成悲望處
應無數書來肯見私臨分莫惆悵努力共心期

珍重東臺老英聲舊所聞能懷吐哺意豈但枉書勤得士
看如許持心定不羣願言推此志清濁見朋分

與劉德明祝濟之胡子寬晚步偶成

雨罷寒逾勁霜威正凜然不知荒徑溼行到野橋邊曠望
情何極徘徊意莫傳清波涵眾影日落暗晴川

仙洲新亭熹名以晝寒紫微張公爲書其額判院

劉丈乃出新句輒次高韻

二首

聞說藤蘿外神龍舊所蟠擘開千丈峽寫盡一襟寒賞寄
三杯酒歸投六尺竿若無詩律好清絕不成歡

悄蒨非人境寒蟬夏已稠陽崖驚素雪午扇怯清秋其說

新亭好真堪妙墨畱賞心元不厭仙夢肯來游

次韻晝寒

行穿危磴盡林表見孤亭澗瀉千尋白峯回四面青塵襟
元落落風腋自洽洽一醉今何許無心賦獨醒

次判院丈清湍之什

明滅青羅帶周遭碧玉環孤亭感陳迹茂樹喜重攀爽氣
琴尊外泉聲枕簟閒詩成無寫處絕壁蘚痕斑

次韻宿密庵

忽作經宵別曾奇莫與陳暮歸誇得句寒苦頓生春道義
知無斃文章自有真他年應共說此日自由身

聞季通德明諸友入山以詩迎之仍請先往觀瀑

布

勝友南窗底看書老歲華不因寒瀑響肯到野僧家古徑
開能久新亭去豈賒躋攀那可緩寂寞有雄夸

和季通晝寒韻

萬壑爭流處千年樹石幽危亭因我作勝日為君畱酒笑
紅裘醉詩慙雜佩酬尚嫌心境窄更約九垓游

奉酬圭父未利之作

玉蘂琅玕樹天香如見熏露寒清透骨風定遠含芬爽致
銷煩暑高情謝曉雲遙憐河朔飲那得醉時聞

奉酬圭父白蓮之作

忽傳夔府句并送遠公蓮翠蓋臨風迴冰華浥露鮮舞衣
清綺袂倒景爛珠躔想象芙蓉闕冥冥絕世緣

雲谷合記事目要俳體戲作三詩寄季通

雲關須早築基址要堅牢栽竹行教密穿池岸欲高乘春
移菡萏帶雪覓蕭穆謂杉徑也更向關門外疏泉斬亂蒿

堂成今六載上雨復旁風逐急添茆蓋連忙畢土功謂柱下貼

磚桂林何日秀蘭徑幾時通并築雙臺子東山接水筒

莊舍宜先立山楹卻漸營泉疏藥圃潤堰起石池清早印
荒田契仍標別戶名想應頻檢校祇恐欠方兄

雲谷懷魏元履

歎息良齋老當年共此來千峯奇絕處一望興悠哉病怯
披雲臥詩勞擁鼻裁祇今何處所宿草閱餘哀

宿雲際寺許順之將別以詩求教次韻

薄暮投花縣聯車入翠微長林生缺月永夜照寒扉情話
欣無斲離懷悵有違勉哉彊毅力千里要同歸

輓汪端明首三

聖主興炎運明公起妙年材推漢庭右學自北方傳出入
丹心壯安危素髮鮮空餘題劍在光燭舊林泉
曠宇原無際孤標自不羣物情良有寄讒口詎堪聞未許

時明政猶堪史闕文衣冠忽長夜餘子漫紛紛
先友當年盛斯文元祐徒艱虞共流落存沒半嗚呼顧我
真無賴逢公幸不孤祇今還一慟卽此是窮塗

輓劉樞密

三首

天昇經綸業家傳忠義心謀謨經國遠勳烈到人深廊廟
風雲斷江湖歲月侵一朝成殄瘁九牧共霑襟
談笑平蠻策焦勞振廩功復讎乖夙志忍死罄餘忠人歎
百身贖天悲一鑑空九原終莫起千載自英風
久矣身無用前恩歎莫償豈期今老大復此重悲傷淚向
遺書盡心隨宿草荒諸君那不死慟絕鬢成霜

九日奉陪高州史君莆陽別駕會稽丞公善化明

府仲衡詩伯并屈子美元範二兄及郡中諸文
武同登紫霄絕頂南望江湖北眺淮甸少快心
目旣歸又得仲衡佳篇句法清麗情致悽惋三
復不勝起予之歎謹次韻呈請皆賦之以紀一
時之盛甚惠甚望

此日登高處千年錦樹稠無人嘲落帽有客賦悲秋忽忽
塵中老恩恩物外游江湖空極目不盡古今愁

和張彥輔白鹿洞之作

邃谷新華館風煙再吐吞舊眠聞野鹿遺恨響驚猿

李拾遺由

此徒居少室乃其賞欣同趣分攜愴別魂徘徊空日夕無策駐行軒

次張彥輔西原之作

無處堪投迹空山寄一椽縣門窺絕壁繚徑上層巔檻閣吞江浪窗虛響谷泉丹經閒自讀不為學神仙

次張彥輔臥龍之作

瀑水源何處高疑雲漢通瀉時垂練直落處古潭空客寄詩能好龍蟠意自雄知君來峴首為我說隆中

登廬峯

循欄躋危磴披雲得勝游蓬茅增舊葺竹樹喜新稠夢想

三秋別徘徊十日畱餘年端可料此地欲長休

佳友紛來集欣然會宿心風前陪徙倚雲月共窺臨雅侶

情俱勝微言思獨深茲游非逸豫邂逅得良箴

游密庵得空字

欲覓仙洲路須乘萬里風飲泉雲出岫臥嶺月流空永夜渾無寐悲歌莫與同起來殘樹影清絕小樓東

次林擇之鳳凰山韻

木落髻鬟擁湖平妝鏡空荒亡餘舊事慘澹只悲風興發千山裏詩成一笑中諸君莫惆悵吾道固當窮

次林擇之涼峯韻

解轡林閒寺歸鴉晚欲盤望中嵐翠合愁外夕陽殘尊酒
何妨盡羈心且自寬無端滿窗月遙夜不勝寒

次呂公濟精舍韻

一室空山裏纖塵迴莫侵若非同臭味誰肯遠過臨健策
凌丹壑清詩動玉琴溪邊一回首平地足崎嶇

詠巖柱

首二

亭亭巖下桂歲晚獨芬芳葉密千層綠花開萬點黃天香
生淨想雲影護仙妝誰識王孫意空吟招隱章

露浥黃金藥風生碧玉枝千林向搖落此樹獨華滋木木
難同調籬邊不並時攀援香滿裊歎息共心期

放船首二

浩蕩清江水依微綠樹風解維春雨外弭櫂夕陽中江草
生新徑巖花點舊叢詩翁不愁思逸興莽何窮

疇昔清溪峽船頭戲彩翰十年空往事一夢記前灘陡絕

垂蒼壁激虛列翠巒今宵詩卷裏重得縱遐觀

往年泛舟此峽有水

鳥數十翔集舟前舟至輒起若相導十餘里乃散

五言排律

寄題李東老淵乎齋

東老幽棲地淵乎亦妙哉空山無客到流水有花開句律
今誰敵詩仙舊所陪朱絃悄餘韻綺席澹浮埃竟日門多

掩長沙歲一來端能負猿鶴歸計莫徘徊

春雪用韓昌黎韻同彭應之作

既有陽春曲那無白雪謠連天飛不斷著地煖還銷未掩
高人戶難齊衲子腰稍開銀世界漸長玉枝條興盡愁煙
艇行迷認野橋酒腸渾欲凍吟筆為誰搖殘臘成三白餘
寒又一朝香隨梅葉落輕伴柳花飄神女羞捐珮鮫人敢
獻綃東皇應好事避舍亦相饒

寄雲谷瑞泉庵主

憶昔誅茅日山房我自名風埃猶俗累煙雨負巖耕多謝
空門侶能同物外情肯來分半壑聊爾度平生少待清秋

日閒尋遠嶽盟不知誰是客一笑絕塵纓

三月晦日與諸兄為真率之約徘徊石馬晚集係

福偶成短句奉呈聊發一笑

春服明朝換晴川漲綠陰追隨皆勝侶邂逅即初心社蹟
梅苔古禪扉竹樹深移尊真惜日畢景共披襟儉德遵賢
範哇詞愧雅音清和應更好逸想寄雲岑

是日約後會為仙洲之游

同治五年夏月福州
正統書局重刊

侯官楊其浚雪滄總校
閩縣梁濟謙德鄰覆校
閩縣饒新仲卿分校
侯官鍾大鈞笠雲分校

濂洛風雅卷之五終

濂洛風雅卷之六

儀封張伯行孝先甫訂 溧陽魏麀徵劍峯校

朱晦庵

七言律

次韻傅丈題呂少衛教授藏書閣

西樓誰與其閒居茂樹婆娑清晝餘
大隱祇今同一壑行吟非昔似三閩
揣摩心事惟黃卷料理家傳亦素書
更鑿寒泉供漱石世紛不擬問焉如

和劉抱一

幾年牢落舊村墟此日儵然水竹居
病起試尋春徑草客

濂洛風雅

卷之六 朱晦庵

正宣堂

來聊煮雪畦蔬開樽細說平生事信手同繙集古書適意
何勞二千卷新詩閒出笑談餘

再和

久矣投裝返舊墟不將心事賦閒居荷鋤帶月朝治穡植
杖臨風夕挽蔬三徑猶尋陶令宅萬錢聊借鄴侯書木瓜
更得瓊琚報吟詠從今樂有餘

數日前與判院丈有宋村之約雪中有懷奉呈

判院通判二丈

雲垂天闊歲將闌一室翛然獨掩關擁褐不知風折木闌
軒惟見雪漫山玄空杳靄低迷外碧樹瓏璵掩映閒吟罷

左思招隱句扁舟無路過長灣

奉陪彥集充父同游瑞巖謹次莆田使君留題之

韻

踏破千林黃葉堆林閒臺殿鬱崔巍谷泉噴薄秋逾響山
翠空濛晝不開一壑祇今藏勝槩三生疇昔記曾來解衣
正作畱連計未許山靈便卻回

伏讀趙清獻公瑞巖畱題感歎之餘追次元韻

趙公名迹此猶微已薦行藏第一機直自當年畱翰墨至

今窮谷尚光輝時清諫疏空遺橐歲晚高齋自掩扉

年所居每夕獨處一室使人局其外云

廉谷風雅

卷之六

朱晦庵

正誼堂

伏讀二劉公瑞巖雷題感事興懷至於隕涕追次
元韻偶成二篇

誰將健筆寫崖陰想見當年抱膝吟緩帶輕裘成昨夢遺
風餘烈到於今西山爽氣看猶在北闕精誠直自深故壘
近聞新破竹起公無路祇傷心
投絨歸來臥赤城家山無處不經行寒巖解榻夢應好絕
壁題詩語太清陳迹一朝成寂寞靈臺千古自虛明傳來
舊業荒蕪盡慙愧秋原宿草生

舫齋

扁舟容與小房櫂搖颺簾旌蜀錦紅兩岸蒹葭秋色裏一
川煙浪夕陽中不愁灑灑瀕雙蓬鬢未怯江湖萬里風築室
水中聊爾爾何須極浦望朱宮

月波臺

潺潺流水注回塘中作平臺受晚涼四面不通車馬迹一
尊聊飲芰荷香韓公無復吟花鳥楚客何勞賦葑房少待
須臾更清絕月華零露洗匡牀

挽蔬園

未覺閒來歲月頻荷鋤方喜土膏勻連畦已放瑤簪露覆
地行看玉本新小摘登盤先餉客曉炊當肉更宜人卻憐
寂寞公儀子拔盡園蔬不歎貧

曲池軒

去年種竹長新篁今歲穿渠過野塘自喜軒窗無俗韻亦知草木有清香林閒急雨生秋思水面微風度晚涼卻厭端居苦無事凭欄閒理釣絲長

留秀野劉丈首二

好雨當春過一犁我公遠憶故園西孤蓬穩轉清灘急十里行穿綠樹齊路熟已欣經霧市身輕未怕躡雲梯諸孫賸欲畱公住細和新詩句指迷

一去屏山今幾春歸來三徑但荒榛翦除便覺風煙好徙倚還驚物色新樓外干林遮去路階前一水戀行塵勸君更作畱連計同社追游苦未頻

次秀野滄波館刈麥

傳聞泛宅賀新成破月衝煙取次撐鷁首斜飛寒浪急篷窗側轉好山橫知公興有江湖迴顧我詩無玉雪清欲跨船舷還未敢幾時得伴鏡中行

次秀野詠雪韻首二

閉門高臥客來稀起看天花滿院飛地迴杉篁增勝槩庭虛鳥鵲噪空飢酒腸凍澀成新恨病骨侵凌減舊肥賴有袁主清興在忍寒應未泣牛衣

一夜同雲市四山曉來千里共漫漫不應琪樹猶含凍翻

笑楊花許耐寒乘興正須披鶴氅淪甘猶喜破龍團無端
酒思催吟筆卻恐長鯨吸海乾

次秀野韻

當年其翦北山萊脩竹成陰手自栽書卷莫教春色老紫
荆肯爲俗人開公能顧我傳新句我欲畱公撥舊醅悵望
南園芳樹底明年應放小車來

次秀野躬耕桑陌舊園之韻二首

郊園旱久只多蹊昨夜欣雷雨一犁已辦青鞵隨老圃便
驅黃犢過深溪農談賸喜鄉鄰近饁具仍教婦子攜指點
竹寒沙碧處不知何似錦城西

丈人高致邈難干雲夢何如曾次寬老去未妨詩律在人
來只怕酒杯乾故開麥隴供家釀更有蘭章付客看下走
才慳慙屬利願公物色稍畱殘

次韻雪後書事

未覺春光到柳條誰教飛絮倚風搖眼驚銀色迷千界夢
斷形庭散百寮梅塢任從長笛弄竹窗閒把短檠挑何人
剝啄傳清唱更喜殘年樂事饒

次秀野春晴山行紀物之句

祇憑詩律作生涯到處山林總是家便與清尊臥芳草有
妨阜蓋拂殘花側聞溫詔詢着艾好趁春風入殿衙回首

能忘舊猿鶴一篇聊爾記年華

次韻寄題芙蓉館

不須艇子棹歌來且看芙蓉面面開
卷裏有詩都錦繡席間無地可塵埃
風清月白琴三弄綠暗紅深酒一杯
明日仲宣樓上去越吟仍是首頻回

葛居 次秀野雜詩韻

丈人高臥碧江頭門掩西風萬木秋
重喜青山還繞屋卻嫌黃葉漸平溝
開軒且放浮嵐入決水徐通廢圃流
便覺園林頓蕭爽不妨隨境味玄幽
向來鞅掌元非病此日徜徉詎有妨
自喜登臺開瘦竹人

驚步屨響空廊高齋雨過新山色曲沼風來舊水光
千里

壯心殊未已不應疏嬾與能長

題鄭德輝悠然堂

高人結屋亂雲邊直面羣峯勢接連
車馬不來真避俗簞瓢可樂便忘年
移節綠幄成三徑回首黃塵自一川
認得淵明千古意南山經雨更蒼然

仲續尊兄對策南宮相顧田舍輒賦攀餞

三徑荒涼獨掩門故人車馬過相存
長安此去無千里濁酒何妨盡一尊
共說淵源非曩日好披肝膽奉明恩
不辭妄竊仁人號執手臨歧敢贈言

送謝周輔入廣

夫君壯節與奇謀，
屈首微官世所羞。
攬轡未妨聊矍鑠，
賦詩直為寫離憂。
蒼茫嶺海三年別，
珍重親朋幾日留。
滿意分攜一杯酒，
登山臨水不能休。

和亦樂園韻

莫笑君家五畝園，
要須宵次亦平寬。
坐閒花柳陰初合，
望外山河勢若蟠。
把酒儘誇雙鬢綠，
擊鮮爭見兩輪丹。
鄰翁未到心先識，
更喜詩筒得細觀。

游密庵分韻賦詩得清字

誤落塵中歲序驚，
歸來猶幸此身輕。
便將好友尋山去，
更喜新詩取意成。
煖翠乍看渾欲滴，
寒流重聽不勝清。
箇中有趣無人會，
琴罷尊空月四更。

宿密庵分韻賦詩得衣字

不到仙洲歲月移，
攜壺特地款巖扉。
已驚素雪清人骨，
更喜蒼煙染客衣。
新賞不妨頻徙倚，
舊題何事獨歔歔。
明朝驛騎黃塵裏，
莫待迷塗始賦歸。

次圭父觀魚韻

平生三伏斷追游，
誰喚來穿澗樹幽。
初訝網橫天影破，
忽驚人蹴浪花浮。
鳴榔不用齊吳榜，
鼓柁何須學楚謳。
便有金盤堆白雪，
卻憐清泚向東流。

次晦叔寄弟韻二首

聞道君歸湘水東，經行長在白雲中。
詩成天柱峯頭月，酒醒朱陵洞裏風。
舊學難酬香一瓣，流年誰管鬢雙蓬。
書來爲指消訛處，不涉言詮不落空。

試上闕山望楚天，雁飛欲斷勢還連。
憑將袖裏數行字，與問雲閒雙髻仙。
我訪舊游終有日，君歸故里定何年。
祇今千里同心事，靜對簞瓢獨喟然。

熹次延之年兄韻敬題紹德庵真如軒寫呈伯時

季路二兄

先生可是愛吾廬，來住鄰庵幾閨楮。
下竟開千歲室，竹閒猶插萬籤書。
悲涼共識臨風處，遊戲誰知落筆初。
寄語山靈勤守護，莫將題柱比相如。

九日登天湖以菊花須插滿頭歸分韻賦詩得歸

字

去歲瀟湘重九時，滿城寒雨客思歸。
故山此日還佳節，黃菊清樽更晚暉。
短髮無多休落帽，長風不斷且吹衣。
相看下視人寰小，祇合從今老翠微。

和人游西巖

平生壯志浩無窮，老寄寒泉亂石中。
閒去披襟弄清泚，靜來合眼聽玲瓏。
不知澗寺晴時雨，何似溪亭落處風。
吟罷

君詩自瀟灑此心端不限西東

擇之賢友歸途左顧示以四明酬唱煥爛盈編三

復詠歎想見聚游之樂輒用黃山郎事之韻賦

呈擇之兼懷子重老兄順之賢友

十年身臥白雲堆已分黃塵斷往回不是幽人遺俗去肯
尋流水渡關來三秋風月從頭說千里湖山靚面開久欲
過逢須一快豈知勞結倍難裁

次韻題平父兄重建一枝堂

畫戟朱門枕碧山貂蟬元自出儒冠更餘此日林閒樂遠
繼當年膝下歡命駕賓朋千里近放懷琴酒百憂寬遺編
卻好傳孫子莫遺因循學宴安

次卜掌書落成白鹿佳句

重營舊館喜初成要共羣賢聽鹿鳴三爵何妨奠蘋藻一
編詎敢議明誠深源定自閒中得妙用元從樂處生莫問
無窮庵外事此心聊與此山盟

白鹿講會次卜丈韻

宮牆蕪沒幾經年祇有寒煙鎖澗泉結屋幸容追舊觀題
名未許續遺編請為洞主不報青雲白石聊同趣謂西澗劉公霽月光
風更別傳謂濂溪夫子珍重箇中無限樂諸郎莫苦羨騰鸞

再用前韻示諸同游

幽臥寒巖不記年飽看山月聽風泉舒憂正得琴三疊玩
意惟憑易一編誤落塵中乖夙尚卻思洞裏付真傳封章
倘幸天從欲便解銅符謝繫騫

次韻四十叔父白鹿之作

誅茅結屋想前賢千載遺踪尚宛然故作軒窗挹蒼翠要
將絃誦答潺湲諸郎有志須精學老子無能但欲眠多少
箇中名教樂莫談空諦莫求仙

奉同都運直閣張丈哭敬夫張兄張丈有詩敢次

元韻悲悼之極情見乎詞伏幸采覽

秀翁威略瞻華戎遺恨車書久未同喜有象賢堪嗣事故

知鴻業自無窮蕃宣合奏三年最風采俄驚一旦空根本
平生有深計遺書不但子囊忠

不應世道卽漂淪何事今年失此人禮樂端能懷益友琴
笙忍遽樂嘉賓亦知游好曾通譜卻記登臨喚卜鄰兩首

悲詩數行淚感傷那復鬪清新

張丈垂顧適聞訃音爲罷
郡宴敬夫向嘗約烹徙居

湖之上蓋相話
於裴公臺上云

次韻寄題萬頃寒光奉呈休齋先生

閒將歲月老煙汀更遣詩情到杳冥游子故應悲舊國壯
懷那肯泣新亭一官避世今頭白萬卷收功久汗青但見
潮生與潮落不知沈醉又還醒

喜伏蒙休齋先生惠詩見畱謹次高韻

忽驚蕭颯鬢毛秋起向東山覓舊游盤谷門前淚霑臆雲
臺溪上雪蒙頭歸歟吾黨又千里老矣心期但一丘珍重
休齋書滿屋可無三宿爲君畱

伏承侍郎使君垂示所與少傅國公唱酬西湖佳

句謹次高韻聊發一笑

百年地闢有奇功枴見猶驚鶴髮翁共喜安車迎國老更
傳佳句走郵童閒來且看湖頭入樂事寧憂酒斝空會見
台星與卿月交光齊照廣寒宮

越王城下水融融此樂從今與眾同滿眼菱荷方永日轉

頭禾黍便西風湖光盡處天容闊潮信來時海氣通酬唱
不誇風物好一心憂國願年豐

伏讀致政少傅相公送趙成都佳句兩篇不勝慰

幸已次高韻并錢其行而再賦此章以見區區

瞻仰之意繕錄並呈伏乞采覽

二首

歸來寂寞臥漳濱夢想威容阻再親綠野遙開花欲語赤
書還喜雁來賓閒中有句人爭誦妙處無心物自春行馬
不因吾輩設曾奇猶得話陳陳

一旦高辭將相權身名從此慶雙全人誇迹已風塵外誰
道心游日月邊未許前賢專晚節更將餘事發春妍君王

若要詢黃髮便好臨雍促肆筵

懷潭溪舊居

憶住潭溪四十年好峯無數列窗前
雖非水抱山環地卻是冬溫夏冷天
繞舍扶疏千箇竹傍崖寒冽一泓泉
誰教失計東遷繆憊臥西窗日滿川

承事卓丈置酒白雲山居飲錢致政儲丈叔通因

出佳句諸公皆和熹輒亦繼韻聊發坐中一笑

老去讀書秋樹根山林兒女定誰尊

東坡賦徐德占舊居有一為兒女浼始覺

山林尊之句

偶緣送客來僧寺卻似披雲臥石門物外祇今成

跌蕩人間何處不啾喧一杯且為陽關盡雙目從教別淚

昏

引年得請伏蒙致政學士契丈特垂慶問寵以佳

篇捧玩之餘感愧亡量輒借高韻少見謝誠伏

幸笑鑑

一氣無私物自繁放臣偏荷主恩寬
方慙妄竊老夫號詎敢重簪博士冠
身退未妨閒養病年豐何幸且偷安
新篇似許參同社願刺仙舟上釣灘

蒙恩忤遂休致陳昭遠丈以詩見賀已和答之復

賦一首

關千首菡久空槃未覺清羸帶眼寬
老去光華姦黨籍向

來羞屏侍臣冠極知此道無終否且喜閒身得暫安漢祚

中天那可料明年太歲又涖灘建隆庚申距今己未二百四十年矣嘗記年十八歲

時先君慨然願語熹曰太祖受命至今百八十年矣歎息久之銘佩先訓於今甲子又復一周而衰病零落終無以少塞臣子之責因和此詩并記其語以示兒輩為之盡然感涕云

叔通老友探梅得句不鄙垂示且有領客攜壺之

約次韻為謝聊發一笑

迎霜破雪是寒梅何事今年獨晚開應為花神無意管故
煩我輩著詩催繁英未怕隨清角疏影誰憐蘸綠杯珍重
南鄰諸酒伴又尋江路覓香來

和子澂白鹿之句

經旬不到鹿場陰夢想飛馳不自禁幸有高軒同勝賞何
妨折屐共幽尋徘徊未厭詩書樂感慨難忘忠孝心更對
豐鐫哦伐木風泉雲壑助清吟

次彥集經營別墅之作

回北成南指顧閒要今華敞對巘岨家山信有千巖擁家

堂見武夷諸峯雲月何妨兩處觀傑閣已資鄰築勝嘉近蒙知府掇賜舊第樓

居新基還見繚牆寬老仙鶴骨殊蕭爽歸興從今豈易闌

伏蒙致政少傅相公寵賜寄題武夷精舍詩一首

拜受捧讀不勝仰歎無以自見區區感幸之誠

輒繼高韻舊弼公所居坊名取答詔語也

望斷鈞天白玉都石田茅屋詎應無况蒙一字榮袞袞便

覺千峯勝畫圖舊彌詩情高綠野狂奴心事只風雲蒲輪

幾日符嘉夢恰有流霞酒一壺李義山武夷詩有流霞酒一杯句

五言絕句

聞蟬

悄悄山郭暗故園應掩扉蟬聲深樹起林外夕陽稀

汲清泉漬奇石置熏鑪其後香煙被之江山雲物

居然有萬里趣因作四小詩

晴窗出寸碧倒影媚中川雲氣一吞吐江湖心渺然

一水渺空闊羣山中接連寒陰白霧湧飛度碧峯前

隱几對寒碧忘言心自閒豈知宜寂士滅迹青峯門
吟餘忽自笑老矣方好弄慨然思古人尺璧寸陰重

家山堂晚照效輞川體二首

夕陽浮遠空西峯背殘照爽氣轉分明與君共晚眺

山外夕嵐明山前空翠滴日暮無與期閒來岸輕幘

奉同張敬夫城南二十詠

納湖

詩筒連畫卷坐看復行吟想像南湖水秋來幾許深

東渚

小山幽桂叢歲暮靄佳色花落洞庭波秋風渺何極

詠歸橋

綠漲平湖水朱欄跨小橋舞雩千載事歷歷在今朝

觴齋

考槃雖在陸滉瀆水雲深正爾滄洲趣難忘魏闕心

麗澤堂

堂後林陰密堂前湖水深感君懷我意千里夢相尋

蘭湖

光風浮碧澗蘭杜日猗猗竟歲無人采含薰祇自知

書樓

君家編書不自比上得石室寄林端時來玩幽蹟

山齋

藏書樓上頭讀書樓下屋懷哉千里心俯仰數椽足

蒙軒

先生湖海姿蒙養今自闕銘坐仰先賢點畫存象繫

石澗

疏此竹下渠漱彼澗中石暮館繞寒聲秋空動激碧

卷雲亭

西山雲氣深徙倚一舒歎浩蕩忽舉開為君展遐眺

柳隄

渚華初出水隄樹亦成行吟罷天津句薰風拂面涼

月榭

月色三秋白湖光四面平與君凌倒影上下極空明

濯清

涉江采芙蓉十反心無斃不遇無極翁深衷竟誰識

西嶼

朝吟東渚風夕弄西嶼月人境諒非遙湖山自幽絕

淙瑋谷

湖光湛不流嵌竇亦潛注倚杖忽淙瑋竹深無覓處

聽雨舫

綵舟停畫槳容與得欹眠夢破蓬窗雨寒聲動一川

梅隄

仙人冰雪姿貞秀絕倫擬驛使詎知聞尋香問煙水

采菱舟

湖平秋水碧桂棹木蘭舟一曲菱歌曉驚飛欲下鷗

南阜

高丘復層觀何日去登臨一目長空盡寒江列暮岑

雜記草木 六首

天門冬

高蘿引蔓長插援垂碧絲西窗夜來雨無人頰幽姿

紅蕉

弱植不自持芳根爲誰好雖微九秋幹丹心中自係

扶畱

根節含露辛茗穎扶援綠鬢中靈草多夏永清陰足

竹

種竹官牆陰經年但憔悴故園新綠多宿幹轉蒼翠

槿花

窈窕安槿花乃是西鄰樹墮萼可憐人風吹落幽戶

萱草

春條擁深翠夏花明夕陰北堂罕悴物獨爾澹冲襟

獨覺

端居春向殘夏氣已清穆睡起悄無人風驚滿窗綠

澆花

晨起獨行園花藥發奇穎猶嫌墮露稀更汲寒泉井

觀劉氏山館壁中所畫四時景物各有深趣作五

言四詠

頭上山洩雲腳下雲迷樹不知春淺深但見雲來去

夕陽在西峯晚谷背南嶺煩鬱未渠央佇茲清夜景

清秋氣蕭瑟遙夜水崩奔自了巖中趣無人可其論

悲風號萬竅密雪變千林匹馬關山路誰知客子心

題謝安石東山圖

家山花柳春侍女髻鬟綠出處亦何心晴雲在空谷

江月圖

江空秋月明夜久寒露滴扁舟何處歸吟嘯永佳夕

題尤溪宗室所藏二姬圖

瀟湘木落時玉佩秋風起日暮悵何之寂寞寒江水

右湘夫人

夫君行不歸日夕空凝佇目斷九疑岑回頭淚如雨

右湘君

庚申立春前一日

雪花寒送臘梅萼煥生春歲晚江村路雲迷景更新

謁表伯余宋祐

江上雪意滿風吹竹平林先生但堅坐穉子開柴荆

百丈山六詠

石磴

層崖俯深幽微徑忽中斷努力一躋攀前行有奇觀

小澗

兩崖交翠陰一水自清瀉俯仰契幽精神襟頓瀟灑

山門

置屋兩三閒巧當奇絕處峽束百泉傾澗激回風度

石臺

出谷轉石稜俯身窺木末夕眺嵐翠分朝躋雲海闊

西閣

借此雲窗眠靜夜心獨苦安得枕下泉去作人閒雨

瀑布

巖崖出飛泉百尺散風雨空質麗晴暉龍鸞共掀舞

雲谷二十六詠

雲谷

寒雲無四時散漫此山谷幸乏霖雨姿何妨媚幽獨

南澗

危石下崢嶸高林上蒼翠中有橫飛泉崩奔雜奇麗

瀑布

峯回危徑轉垂練忽千尋不為登山倦躊躇秋澗陰

雲關

白雲去復還黃塵到難入只有澗水聲出關流更急

蓮沼

亭亭玉芙蓉迴立映澱碧只愁山月明照作寒露滴

杉徑

南起雲關口縈紆上草堂天風發清籟山月度寒光

雲莊

小丘橫翠几層嶂復嗟峨釋耒閒來看巖姿此處多

泉硤

入關但平田復此得清響何必問真源神襟亦蕭爽

石池

兩岸蒼峭石護此碧泓寒秋月來窺影驪珠吐玉盤

山檻

山檻一帳望恨此雲迷谷仙人不可期縹緲雙髻綠

藥圃

長鏡劇靈根蒔此泉下圃珍劑未須論丹黃已堪煮

井泉

山高澤氣通石竇飛靈液默料谷中雲多應從此出

西寮

畚田種胡麻結草寄林樾珍重無心人寒棲弄明月

晦庵

憶昔屏山翁示我一言教自信久未能巖棲冀微效

草廬

青山繞蓬廬白雲障幽戶卒歲聊自娛時人莫畱顧

懷仙

西望多奇峯北瞰獨仙府欲致武夷君石壇羅桂醕

揮手

山亭一揮手從此斷將迎不見塵中事惟聞打麥聲

雲社

自作山中人即與雲為友一嘯雨紛紛無勞三奠酒

桃蹊

澗裏春泉響種桃泉上頭爛紅紛委地未肯出山流

竹塢

悄蒨桃蹊北蕭穆竹塢深不堪秋夜永風雨助悲吟

漆園

舊聞南華仙作吏漆園裏應悟見割憂嗒然空隱几

茶坂

攜簞北嶺西採擷供茗飲一啜夜窗寒跣趺謝衾枕

絕頂

當年赫曦臺移治在茲嶺寥廓無四鄰三光疑倒影

北澗

土斷川亦分北下成陰澗秀石得佳名服膺吾敢慢

澗有仁義

石

中溪

南下東嶺阿云是中溪道巖樹愛樛枝石田悲蔓草

休庵

別嶺有精廬林巒亦幽絕無事一往來茶瓜不須設

武夷精舍雜詠

廉各風佳

卷之六

朱晦庵

正

正宜堂

精舍

琴書四十年幾作山中客一日茅棟成居然我泉石

仁智堂

我慙仁智心偶自愛山水蒼崖無古今碧澗日千里

隱求齋

晨窗林影開夜枕山泉響隱去復何求無言道心長

止宿寮

故人肯相尋共寄一茅宇山水為畱行無勞具難黍

石門塢

朝開雲氣擁暮捲薜蘿深自笑晨門者那心孔氏心

觀善齋

負笈何方來今朝此同席日用無餘功相看俱努力

寒栖館

竹間彼何人抱甕靡遺力遙夜更不眠焚香坐看壁

晚對亭

倚筇南山巔卻立有晚對蒼峭矗寒空落日明影翠

鐵笛亭

山前舊有奪秀亭故侍郎胡公明仲嘗與山之隱者劉君兼道游涉而賦詩焉劉少豪勇游俠使氣晚更晦迹自放山水之間善吹鐵笛有穿雲裂石之聲胡公詩有更須橫鐵笛吹與眾仙聽之句亭今廢久一日與客及道士數人尋其故址適有笛聲發於林外悲壯回鬱巖石皆震追感舊事因復作亭以識其處仍改今名

何人轟鐵笛噴薄兩崖開千載留餘響猶疑笙鶴來

釣磯

削成蒼石稜倒影寒潭碧永日靜垂竿茲心竟誰識

茶竈

仙翁遺石竈宛在水中央飲罷方舟去茶煙嫋細香

漁艇

出載長煙重歸裝片月輕千巖猿鶴友愁絕棹歌聲

七言絕句

夜雨

擁衾獨宿聽寒雨聲在荒亭竹樹閒萬里故園今夜永遙

知風雪滿前山

故山風雪深寒夜只有梅花獨自香此日無人問消息不

應憔悴損年芳

寄諸同寮

把酒江頭煙雨時遙知江樹已芳菲應憐倦客荒茅裏落

盡梅花未得歸

涉澗水作

幽谷濺濺小水通細穿危石認行蹤回頭自愛晴嵐好卻

立難頭數亂峯

送籍溪胡丈赴館供職

祖餞衣冠滿道周此行誰與話端由心知不作功名計祇為蒼生未敢休

觀書有感

半畝方塘一鑑開天光雲影共徘徊問渠那得清如許為有源頭活水來

昨夜江邊春水生蒙衝巨艦一毛輕向來枉費推移力此日中流自在行

雪意

向晚浮雲四面平北風號怒達天明寒窗一夜清無睡擬聽杉篁葉上聲

昨夕不知有雪而晨起四望遠峯皆已變色作絕句

句

朔風吹盡暮雲平室煖鑪紅睡達明但怪朝來滿山白不知昨夜打窗聲

入瑞巖道閒得絕句呈彥集充父二兄

翩翩一馬兩肩輿路轉秋原十里餘共說前山深更好不辭迢遞款禪居

風高木落晚秋時日暮千林黃葉稀祇有蒼蒼谷中樹歲寒心事不相違

輓延平李先生用西林舊韻首二

一自籃輿去不回故山空鎖舊池臺傷心觸目經行處幾
度親陪杖屨來

上疏歸來空卓囊未妨隨意宿僧房舊題歲月那堪數慙
愧平生一瓣香

寄題瀏陽李氏遺經閣

老翁無物與孫兒樓上牙籤滿架垂更得南湖親囑付歸
來端的有餘師

南湖張敬夫書院

讀書不見行閒墨始識當年教外心箇是儂家真實藏不
應猶羨滿籬金

馬上口占次敬夫韻

幾日城中歌酒昏今朝匹馬向煙村迎人況有南山色勝
處何妨倒一尊

方廣道中半嶺小憩次敬夫韻

不用洪崖遠拍肩相將一笑俯寒煙向來活計蓬蒿底浪
說江湖極目天

道中景物甚勝吟賞不暇敬夫有詩因次其韻

穿林踏雪覓鐘聲景物逢迎步步新隨處畱情隨處樂未
妨聊作苦吟人

方廣聖鐙次敬夫韻

神鐙照夜惟聞說皓月當空不用尋箇裏忘言真所得便

應從此正人心

壁間古畫精絕未聞有賞音者

老木樛枝入太陰蒼崖寒水斷追尋千年粉壁塵埃底應識良工獨苦心

霜月次擇之韻

蓮花峯頂雪晴天虛閣霜清絕縷煙明發定知花藪藪如今且看竹娟娟

蓮花峯次敬夫韻

月曉風清墮白蓮世閒無物敢爭妍如何今夜峯頭雪撩得新詩續舊篇

殘雪未消次擇之韻

腳底悲風舞凍鴉此行真是躡蒼霞仰頭若木敷瓊蕊不
是人閒玉樹花

林閒殘雪時落鏘然有聲

青鞵布韞踏瓊瑤十里晴林未覺遙忽復空枝墮殘雪恍
疑鳴璫落叢霄

福巖讀張南湖舊詩

樓上低回摻別衷山中磊落見英姿白雲未屬分符客已
有經行到處詩

晚霞

日落西南第幾峯斷霞千里抹殘紅上方傑閣凭欄處欲
盡餘暉怯晚風

讀林擇之二詩有感

筍輿隨望入寒煙每誦君詩輒黯然今夜定知連楊夢一
時飛墮錫山前
竹輿傲兀聽嘔啞合眼歸心已到家遊子上堂慈母笑豈
知行李尚天涯

分宜晚泊江亭望南山之勝絕江往游將還而舟

子不至擇之刺船徑渡呼之予與伯崇佇立以
俟因得二絕

寒水粼粼受晚風輕舸來往思無窮何妨也向溪南去往
倚空林暮靄中

一櫂翩然喚不回兩筇江畔久徘徊早知君有如神技同
下中流亦快哉

次韻擇之懷張敬夫

往時連騎向衡山同賦新詩各據鞍此夜相思一杯酒回
頭猶記雪漫漫

別韻賦一篇

踏雪凌霜眼界新舉鞭遙指玉嶙峋回頭此日成千里橫
槩思君少一人

題萬安野館

身似孤雲去復還
投裝猶記此窗閒
只應煙雨蒼茫外
卽是當時萬疊山

過樟木鎮晚晴二首

朝晴遣我看薊林
頃刻浮雲萬里陰
拂裊凌風二十里
依然寒日照長吟
飛雲極目疑梅嶺
落日圓頭夢橘洲
從此不愁東路永
祇應西望轉悠悠

十二月旦袁州道中作

今朝已是臘嘉平
我獨何爲在遠行
白髮倚闥應注想
青

山聯騎若爲情

竹節灘

船下清江竹節灘
長煙漠漠水漫漫
人家斷岸斜陽好
客子中流薄暮寒

次韻擇之舟中有作二首

一江煙水浩漫漫
昨夜扁舟寄此閒
共向船頭望南北
不知何處是家山
一席三人抵頂眠
心知篷外水如天
起來卻怪天如水
月落烏嘯浦樹邊

自東湖至列岫得二小詩

孺子高風何處尋
東湖臺觀水雲深
生芻一束人如玉
此日淒涼萬古心

昨日來時萬里陰
長江雪後玉千岑
蒼茫不盡登臨意
重對晴天豁晚襟

觀上藍賢者所藏張魏公手帖次王嘉叟韻

火風吹散旱天雲
膚寸空餘翰墨新
拭淚相看渺今古
堂堂那復有斯人

野望

登高立馬瞰晴川
四面平林接暝煙
東望不堪頻極目
歸心已度鳥飛前

次韻擇之金步喜見大江有作

江頭四望遠峯稠
江水中閒自在流
並岸東行三百里
水源窮處卽吾州

次韻擇之餘千道中

寒盡春生草又青
化工消息幾曾停
因君一詠陵坡麥
恍憶儂家老圃亭

亭下予家種麥處也

次韻擇之鉛山道中

幾月高堂闕問安
歸塗不管上天難
誦君兩疊思親句
也信從來取友端

行盡江湖萬疊山
家山猶在有無閒
明朝漸喜登閩嶺
澗

洛陽風雅 卷之六
水分流響佩環

送林擇之還鄉赴選三首

青驪去路欲駸駸回首猶須話此心一別便成三數月有
疑誰講過誰箴

門外槐花似欲黃高堂應望促歸裝箇中自有超然處肯

學界曹一例忙

今朝握手送君歸馬上薰風拂面吹不用丁寧防曲學寒
窗久矣共心期

夜間擇之誦師曾題畫絕句遐想高致偶成小詩
一幅瀟湘不易求新詩誰遣送閒愁遙知水遠天長外更

有離騷極目秋

送林熙之

君行往返一千里過我屏山山下村濁酒寒鐙靜相對論
心直欲到忘言

十年鐙火與君同誰道年來西復東不學世情雲雨手從
教人事馬牛風

古鏡重磨要古方眼明偏與日爭光明直照吾家路莫
指并州作故鄉

次劉彥集木犀韻

仙衣纔試鬱金黃便覺秋風滿院芳定觀極知先透徹通

心豈是故迎將

登蘆峯

行到蘆峯最上頭，幾回振策又還休。因君好句撩孤興，卻恨雲煙未肯收。

送許順之南歸

首二

門前三徑長蒿萊，愧子殷勤千里來。校罷遺書卻歸去，此心元自不曾灰。幾年江海事幽尋，徧與雲僧話此心。今日肯來論舊學，歲寒猶恐雪霜侵。

和喜雨

首二

雨歸誰遣送餘春，珍重天公惠我民。且看歡顏垂白叟，莫愁頰頰踏青人。

黃昏一雨到天明，夢裏豐年有頌聲。起望平疇煙草綠，只今投筆事農耕。

唐石雪中

春風欲動客辭家，霖潦縱橫路轉賒。行到深山愁絕處，千林一夜玉成花。

讀李賓老玉澗詩偶成

獨抱瑤琴過玉溪，琅然清夜月明時。祇今已是無心久，卻怕山前荷蕢知。

次呂季克東堂九詠

野塘小隱

傳得希夷八卦圖歸來不復夢榮途野塘竟日無人到讀
盡牀頭種樹書

敬義堂

高臺巨窟意何加住此知非小丈夫浩氣擴充無內外肯
誇心月夜同孤

方拙寮

一室歸來萬事新窗閒橫竹挂朝紳九流未讓園機士四
海寧慙巧宦人

吟哦室

蒲團竹几睡曹騰客問君今幾折肱身世兩忘無可答起
尋詩句繞階行

愛蓮

聞道移根玉井旁開花十丈是尋常月明露冷無人見獨
為先生引興長

月臺

臺上無人伴苦吟歸鴉過盡日西沈須臾玉盒開塵鏡卻
有孤光共此心

菜畦

雨餘萊甲翠光勻，杞菊成畦亦自春。骨相定知非食肉，可能長伴箇中人。

海棠屏

蜀樹成行翠作圍，花開時節更芳菲。主人夢亦尋春去，栩栩深穿錦障飛。

橘隄

君家地上幾時栽，千樹玲瓏亦富哉。荷盡菊殘秋欲老，一年佳處眼中來。

至鳳凰山再作

門前寒水青銅闕，林外晴峯紫帽孤。記得南垞通柳浪，依然

稀全是朝川圖。

次劉正之芙蓉韻

淺綠深紅出短籬，望中都是可憐枝。要看亂颭寒塘水，更待金風滿意吹。

凌波直欲渡橫塘，卻愛無人獨自芳。且倚新漪閒照影，更憑女伴一扶將。

拜鴻慶宮有感

舊京原廟久煙塵，白髮祠官感慨新。北望千門空引籍，不知何日去朝真。

答袁機仲論啓蒙

忽然夜半一聲雷萬戶千門次第開若識無心含有象許
君親見伏羲來

觀林長仁書卷戲題

猿去山空鶴亦飛柴門空掩釣魚磯門前樹葉都黃了何
事幽人久不歸

爲愛雲泉百尺飛故將茅屋傍苔磯幾年清夢黃塵裏此
日秋風一櫂歸

梅

姑射仙人冰雪容塵心已共彩雲空年年一笑相逢處長
在愁煙苦霧中

香茶供養黃檗長老悟公故人之塔并以小詩見

意

擺手臨行一寄聲故應離合未忘情炷香瀹茗知何處十
二峯前海月明

夜

獨宿山房夜氣清一窗涼月共虛明鄰雞未作人聲絕時
聽高梧滴露鳴

題中峯杉徑

盤回山腹轉脩蛇橫入中峯小隱家好把稗杉緣徑插待
迎涼月看清華

水口行舟二首

昨夜扁舟雨一簑滿江風浪夜如何今朝試捲孤篷看依
舊青山綠樹多

鬱鬱層巒夾岸青春山綠水去無聲煙波一擢知何許
鵝兩山相對鳴

秋日

一雨生涼杜若洲月波微漾綠溪流茅檐歸去無塵土淡
薄閒花繞舍秋

春日偶作

聞道西園春色深急穿芒屨去登臨千葩萬葉爭紅紫誰

識乾坤造化心

克己

寶鑑當年照膽寒向來埋沒太無端祇今垢盡明全見還
作當年寶鑑看

公濟和詩見閔耽書勉以教外之樂以詩請問

至理無言絕淺深塵塵剝剝不相侵如云教外傳真的卻
是瞿曇有兩心

未必瞿曇有兩心莫將此意攪儒林欲知陋巷憂時樂只
向章編絕處尋

雪梅二闕奉懷敬夫

雲垂幕陰風慘澹天花落天花落千林瓊玖一空鸞鶴
征車渺渺穿華薄路迷迷路增離索增離索剡溪山水碧
湘樓閣

梅花發寒梢挂著瑤臺月瑤臺月和羹心事履霜時節
野橋流水聲嗚咽行人立馬空愁絕空愁絕爲誰凝竚爲
誰攀折

張南軒

五言古詩

再用前韻

首章
散失

元化首萬類聖學極幾深有如亞聖賢尙謹殆與淫淺見

僅一斑歡喜不自禁豈知天地全於穆千聖心嗟哉我與
子進道宜駸駸立志務弘毅異說毋交侵仁端驗發見精
微試探尋超然見大體皎日破重陰重新鄒魯傳挽回韶
濩音當年不自勉與物終堙沈神龍倏變化豈復顧泥泮
有來南山友更唱共迭吟羣材欲封殖杞梓看成材慙慙
勸學子逆耳成良箴

嚴慶冑射策南歸迂途相訪六月二十有一日同

游城南書院論文鼓琴煮茶烹鮮徘徊湖上薄

暮乃歸明日作別書此爲贈

炎暑盛三伏駕言得清游城南才里所便有山林幽崇蓮

流沙風雨 卷之六
三十一
正論堂
炆平隄脩竹緣高巨方茲閱兩辰亦有清泉流舉網鮮可
食汲井瓜自浮絲桐發妙音更覺風颼颼喜無舉業累獨
有講學憂逮子閒暇日微言要窮接譬彼治田者黽勉在
勿休但勤穡蓂功勿作刈穫謀雖云千里別豈無置書郵
祝子時嗣音慰我日三秋

賦遺經閣

生世豈云晚六籍初未亡向來言外旨瞠視多茫茫隱微
會見獨如日照八荒始知傳心妙初豈隔毫芒絕學繼顏
孟清風返虞唐讀書無妙解數墨仍尋行況復志寵利荆
榛寒東莊自云稽古功此病真膏肓君家屹飛閣面對羣

山蒼匪爲登臨娛牙籤富貴藏邀予爲著語會意詎可忘
一洗漢儒陋活法付諸郎

送元晦一

君侯起南服豪氣蓋九州頃登文石陛忠言動宸旒坐令
聲利場縮頸仍包羞卻來臥衡門無愧自日休盡收湖海
氣仰希洙泗游不遠關山阻爲我再月留遺經得細繹心
事兩綢繆超然會太極眼底無全牛惟茲斷金友出處寧
殊謀南山對牀語匪爲林壑幽白雲正在望歸袂風颼颼
朝來出別語已抱離索憂妙質貴強矯精微更窮搜毫釐
有不察體用豈周流驅車萬里道中途可停輶勉哉其無

數邈矣追前脩

荆湖望月

浩浩湖之源迤邐衡山下有月來中天明珠千斛瀉激激
一塵無交輝清不夜嗟彼泉下人逝莫挽逸駕惟有不死
心清光徧華夏

五言律詩

上封有懷元晦

憶共朱夫子登臨冰雪中劇談無俗調得句有新功別去
雁橫浦重來月滿空遙憐今夕意清夢儻相同

登嶽麓赫曦臺聯句

泛舟長沙渚振策湘山岑元晦煙雲眇變化宇宙窮高深

懷古壯士志憂時君子心敬夫寄言塵中客莽蒼誰能尋

元晦

七言律詩

落梅

清溪南畔小橋東落月紛紛水映紅五夜客愁花片裏一
年春事角聲中歌殘玉樹人何在舞破香衫曲未終卻憶
孤山醉歸路馬蹏殘雪襯春風

| | | | | | | | |
|---|---|---|---|---|---|---|---|
| 同 | 福 | 五 | 南 | 學 | 中 | 福 | 州 |
| 正 | 韻 | 書 | 高 | 重 | 校 | 精 | 開 |
| 周 | | | | | | | |

候官楊 浚雪滄總校

閩縣林祚曾省軒覆校

長樂林樹槐少三分校

閩縣姜啓鈞季韶分校

濂洛風雅卷之六終

